

Gjykata Themelore Ferizaj-Dega Kaçanik, Divizioni per Kundervajtje ,dhe ate gjyqtarja Zajrete Muhaxheri me procesmbajtesen Indira Beqa , punetore e kesaj gjykate ,në lenden kundërvajtëse kundër të pandehurit Mirsad Shkreta nga Hani Elezit , për shkak të kundërvajtjes nga neni 8 par 1 I sanksionuar me nenin 17 par 1.nenpar.1.1 te Ligjit per deklarimin ,prejardhjen dhe kontrollin e pasurise se zyrtareve te larte publik dhe deklarimin,prejardhjen dhe kontrollin e dhuratave per te gjithë personat zyrtare ,e në baze të nenit 31,73,74,199 dhe nenit 9 të Ligjit për Kundërvajtje me dt. 19.11.2013 merr këtë;

A K T V E N D I M

I pandehuri Mirsad (Adem) Shkreta ,i lindur me dt.07.02.1976 ne Shkup ,me vendbanim ne Han te Elezit , shqiptar, shtetas i Republikes se Kosoves, I pa martuar, ka te kryer fakultetin , keshilltar komunal ne Asamblene komunale ne Han te Elezit ,i gjendjes së mesme ekonomike,

Ë sht ë për gj e gj ë s


Sepse si zyrtar i larte publik ne poziten e keshilltarit komunal ne Asamblene Komunale ne Han te Elezit ,nuk e ka bere deklarimin e rregullt vjetor te pasurise prane Agjensise Kunder Korrupsionit deri me daten 31.03.2012.

Me qka ka kryer kundervajtje nga neni 8 par 1 I sanksionuar me nenin 17 par 1 nenpar.1.1 Ligjit per deklarimin ,prejardhjen dhe kontrollin e pasurise se zyrtareve te larte publik dhe deklarimin,prejardhjen dhe kontrollin e dhuratave per te gjithë personat zyrtare

Andaj në bazë të nenit 31,73,74 dhe 199 te Ligjit per Kundervajtje dhe nenit 17 par 1 nenpar.1 te Ligjit per deklarimin ,prejardhjen dhe kontrollin e pasurise se zyrtareve te larte publik dhe deklarimin,prejardhjen dhe kontrollin e dhuratave per te gjithë personat zyrtare,

D E N O H E T

Me denim me gjobe në shumë prej 300 € (treqind euro) ,te cilin eshte e obliguar qe ta paguaj në afat prej 15(pesëmbëdhjete) ditësh nga dita e plotfuqishmërise të këtij aktvendimi,në të kundërtën ,konform nenit 5 al.1 të Ligjit per kundërvajtje,dënimi me gjobë do t'i zevendesohet me denim me burg ashtu qe per qdo dite burgu do t'i llogariten nga 15 (Njëzet) €



Detyrohet i pandehuri që në emër të shpenzimeve procedurale të paguaje pranë kësaj gjykate shumën prej 5.00 € në emër të paushallit gjyqesor në afat prej 15 ditësh nga dita e plotëfuqishmërisë së këtij aktvendimi nën kërcënimin e përmbarimit me dhunë.

Arsyetim

Agjensia Kunder Korrupsionit në Prishtinë, ka parashtruar kërkesën për fillimin e procedurës kundervajtëse nr.01-2345/12 të datës 02.07.2012, kundër të pandehurit Mirsad Shkreta nga Hani Elezit, për kundervajtje nga neni 5, 6 dhe 9 i sanksionuar me nenin 17 par 1 nenpar.3 të Ligjit për deklarimin, prejardhjen dhe kontrollin e pasurisë së zyrtarëve të lartë publik dhe deklarimin, prejardhjen dhe kontrollin e dhuratave për të gjithë personat zyrtarë, dhe ka kërkuar që I njëjti të shpallet fajtor dhe të dënohet sipas ligjit.

Në bazë të kërkesës së parashtruar i pandehuri është marrë në pyetje nga ana e gjykatës me të cilin rast I pandehuri ka deklaruar se nuk ka qene I njoftuar me kohë për obligimin e deklarimit të pasurisë pranë AKK, se në Prishtinë, nga ana e zyrtarëve kompetentë komunal të komunes së Hanit të Elezit, dhe dhe shton nuk ka patur për qëllim që t'i ik obligimit ligjor të deklarimit të pasurisë.

Për t'u deklaruar rreth kualifikimit juridik të kundervajtjes, gjyqtarja ftoi edhe përfaqësuesin e AKK, se, ku me atë rast përfaqësuesi me autorizim I AKK, se Enis Sadiku deklaroi se, mbetet në teresi pranë kualifikimit juridik të kundervajtjes, pasi që sipas tij e pandehura asnjëherë me parë nuk e ka deklaruar pasurinë e saj pranë AKK, se, gjersa ka qene në pozitën e keshilltarit komunal, pasi që kuptohet se edhe ligjerisht nuk ka patur obligim, e që për këtë arsye sipas tij nuk mund të konsiderohet se kemi të bëjmë me deklarimin e rregullt vjetor por me deklarimin sipas kërkesës së Agjensisë.

Gjykata, për të konstatuar faktin se I pandehuri Mirsad Shkreta a ka qene I njoftuar me kohë nga ana e zyrtarëve kompetentë komunal për obligimin e deklarimit të pasurisë mori në pyetje në çilesi të deshmitarit zyrtarin komunal të Hanit të Elezit, Driton Kaloshi, I cili në pyetjen e gjyqtarës deklaroi se, ka qene pike kontaktuese për Agjensinë Kunder Korrupsionit në komunën e Hani Elezit deri kah fundi I vitit 2011, e me pas nuk ka sherbyer në këtë pozitë, mirepo në shkurt të vitit 2012 pranon se I ka dorëzuar agjensisë listen me emrat e zyrtarëve të lartë komunale të komunes së Hanit të Elezit cilet sipas ligjit kanë qene të detyruar që ta deklarojnë pasurinë, mirepo shton se këta zyrtarë të lartë të perfshire në listë nuk I ka informuar për obligimin e deklarimit të pasurisë duke vlerësuar se këtë është dashur t'a bëjë kryesuesi I kuvendit Mendu Vlasi dhe zyrtari komunal Kujtim Dernjani.

Për vertetimin me të plotë të gjendjes faktike gjyqtarja ka ftuar në çilesi të deshmitarit Mendu Vlasi, kryesues I Kuvendit Komunal Hani Elezit, I cili në fjalën e tij deklaroi se: keshilltari komunal Mirsad Shkreta ka qene i njoftuar me kohë për obligimin e deklarimit të pasurisë pranë AKK, se në Prishtinë si nga ana e tij por edhe nga ana e sekretarit të Kuvendit të komunes së Hanit të Elezit, Avni Bushi dhe atë para datës 31.03.2012 dhe për ta vertetuar deklaratën e tij ka prezentuar para gjykatës kopjen e e-mailit të sekretarit të kuvendit të komunes

Avni Bushi te dates 15.03.2012,nga I cili konstatohet se keshilltari komunal Mirsad Shkreta me daten 15.03.2012 ka qene i njoftuar permes e-mailit te tij per obligimin e deklarimit te pasurise prane AKK,ne Prishtine.

Në bazë të dhënave si në kërkesë , deklaratës së të pandehurit ,deklaratës se perfaqesuesit me autorizim te AKK,se ne Prishtine Enis Sadiku , deklaratave te deshmitareve Driton Kaloshi dhe Mendu Vlasi,njoftimit te dates 15.03.2012 dhe shkresave tjera te lendes , gjyqtarja konstatoi se në veprimet e të pandehurit ekzistojnë elementet e veprës kundërvajtëse nga neni 8 par 1 I sanksionuar me nenin 17 par.1 nenpar.1.1 pasi qe me Ligjin nr.04/L-050 te gjithë keshilltaret komunale te Asambleve komunale jane perfshire ne listen e zyrtareve te larte qe njeherit edhe kane obligim deklarimin e rregullt vjetor prane AKK,se ne Prishtine,dhe per mandatin sa jane ne kete pozite kane per obligim deklarimin e rregullt vjetor te pasurise se tyre, dhe rrjedhimisht obligimi I deklarimit te pasurise del sipas ligjit, edhe nese agjensioni nuk kerkon deklarimin e pasurise.

Andaj gjykata duke u bazuar ne te theksuarat me larte ka bere rikualifikimin juridik te kundervajtjes dhe te pandehurin conform nenit 17 par.1 nenpar.1 e shpalli përgjegjës dhe e dënoi me denim me gjobë në shumë prej 300 € (treqind euro) , te cilin eshte e obliguar qe ta paguaje ne afat prej 15 ditesh pas plotfuqishmerise se ketij aktvendimi ne te kunderten conform nenit 5 te LK,se dënimi me gjobë do t'i zevendesohet me denim me burg ashtu qe per qdo dite burg do t'i llogariten nga 15 (pesëmbdhjete) € .

Gjykata me aplikimin e nenit 9 par.1 pika 1 te pandehurit I ka shqiptuar denim me gjobe nen masen minimale te denimit te percaktuar per kete kundervajtje,pasi qe i pandehuri I ka evituar pasojat e kesaj vepre kundervajtjese duke e deklaruar pasurine e saj prane AKK,se me date 17.08.2012.

Me rastin e marrjes së aktvendimit konform nenit 7 të Ligjit për Kundërvajtje ,Gjykata mori parasysh të gjitha rrethanat lehtësuese dhe rënduese,kështu që si rrethanë lehtësuese gjykata mori faktin se i pandehuri ,e ka permbushur obligimin e deklarimit te pasurise , dhe se ka qene hera e pare qe i njeiti ne poziten e keshilltarit komunale ka patur obligim ligjor deklarimin e pasurise prane AKK,se ne Prishtine ,ndersa rrethanë të posaqme rënduese gjykata nuk gjeti pos veprimeve të të pandehurit të cilat paraqesin elementet e veprës kundërvajtëse për të cilin është shpallur përgjegjës dhe eshte denuar si ne dispozitiv te ketij aktvendimi, duke vlerësuar se edhe me një denim të tillë do të arrihet efekti I sanksionimit ashtu që në të ardhmën i pandehuri t'u shmanget kryerjes së veprave të tilla apo të ngjashme kundërvajtëse.

Vendimi për shpenzimet e procedures është i bazuar në dispozitën e nenit 109 te Ligjit per Kundervajtje me të cilin rast gjykata e detyroi të pandehurin që kësaj gjykate t'i përmbush shpenzimet e procedures në emër të paushallit gjyqësor shumen prej 05.00 € duke pasur parasysh nderlikueshmerine e procedurës,gjendjen materiale të pandehures,me bindjen se edhe nje denim i tille nuk do te ndikojë dukshëm ne buxhetin familjar te te pandehurit.

Nga sa u tha më lart u vendos si në dispozitiv të këtij aktvendimi.

**GJYKATA THEMELORE NE FERIZAJ
DEGA NE KAÇANIK**

R.I.nr.2127/2012 date 19.11.2013

Sekretarja juridike,
Indira Beqa



Gjyqtarja,
Zajeta Muhaxheri



Keshilla juridike: Kunder ketij Aktvendimi i pandehës
Dhe parashtuesi I kërkesës mund te paraqesin ankese
në afatin prej 8 ditësh nga dita e pranimi ne
Gjykatën E apelit në Prishtinë përmes kësaj gjykate